



**ODLUKA**  
***O DODJELI NAGRADE „SARAJEVSKA PAHULJICA“***  
***(radni materijal)***

*Predlagač: Komisija za izbor i imenovanja*  
*Obradivač: Gradska služba za Gradsko vijeće*

*Sarajevo, februar 2019. godine*

Na osnovu člana 26. stav 1. tačka 18. Statuta Grada Sarajeva («Službene novine Kantona Sarajevo», 34/08) i člana 10. Odluke o priznanjima i nagradi Grada Sarajeva («Službene novine Kantona Sarajevo», broj 34/10, 14/14 i 31/14), Gradsko vijeće Grada Sarajeva na sjednici održanoj \_\_.\_\_.2019. godine, donijelo je

**ODLUKU**  
**O DODJELI NAGRADE „SARAJEVSKA PAHULJICA“**

*(radni materijal)*

Član 1.

Dobitnik Nagrade „Sarajevska pahuljica“ je Malonogometna Reprezentacija BiH osoba sa dijabetesom za ostvaren izuzetan uspjeh na takmičenjima u oblasti sporta.

Član 2.

Nagrada se dodjeljuje u obliku diplome uz novčanu nagradu.

Član 3.

Nagrada se uručuje se na Svečanoj sjednici Gradskog vijeća Grada Sarajeva.

Član 4.

Ova Odluka stupa na snagu danom donošenja, a objavit će se u «Službenim novinama Kantona Sarajevo».

**PREDSJEDAVALAČI GRADSKOG VIJEĆA**

*Dr. Igor Gavrić*

## OBRAZLOŽENJE

### PRAVNI OSNOV

Pravna osnova za donošenje ove odluke je sadržana u članu 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08) kojim su utvrđene nadležnosti Gradskog vijeća Grada Sarajeva za donošenje Odluka o priznanjima i nagradama Grada Sarajeva.

U članu 10. stav 1. Odluke o priznanjima i nagradi Grada Sarajeva („Službene novine Kantona Sarajevo“, broj 34/10, 14/14 i 31/14) je propisano da je Sarajevska pahuljica Nagrada koja se dodjeljuje mladim osobama u životnoj dobi do navršениh 30 godina starosti, te redovnim učenicima i studentima sa područja Grada Sarajeva, kao pojedincima i grupama, koji su ostvarili izuzetne rezultate na očuvanju i unaprjeđenju općedruštvenih vrijednosti, kao i u nastavnim i vannastavnim aktivnostima (borba protiv droge, nasilja u porodici, svih vrsta diskriminacije; zalaganje za mir, suživot, demokratiju; postignuti uspjesi na takmičenjima u oblasti, nauke, kulture, sporta i sl.), dok je u stavu 2. propisano da se Sarajevska pahuljica dodjeljuje u obliku diplome, uz novčanu nagradu čiji visinu utvrđuje gradonačelnik na početku svake budžetske godine.

Odredbama člana 15. stav 2. Odluke o priznanjima i nagradi Grada Sarajeva propisano je, između ostalog, da Gradsko vijeće donosi odluku o dodjeli Nagrade, a odredbama člana 12. i 13. Odluke o priznanjima i nagradi propisani su ovlašteni predlagači (između ostalog i vijećnici Gradskog vijeća Grada Sarajeva) i sadržaj prijedloga.

### RAZLOZI ZA DONOŠENJE

Gradski vijećnik Srđan Srđić podnio je prijedlog Komisiji za izbor i imenovanja Gradskog vijeća Grada Sarajeva za dodjelu nagrade „Sarajevska pahuljica“ Malonogometnoj Reprerentaciji BiH osoba sa dijabetesom.

Podneseni prijedlog sa obrazloženjem, u prilogu je ove Odluke.

Komisija za izbor i imenovanja je razmotrila dostavljeni prijedlog gradskog vijećnika Srđana Srđića i utvrdila Prijedlog Odluke o dodjeli nagrade „Sarajevska pahuljica“, te ga upućuje Gradskom vijeću na razmatranje i usvajanje.

### RJEŠENJA IZ PREDLOŽENE ODLUKE

Članom 1. se imenuje dobitnik nagrade „Sarajevska pahuljica“.

Članom 2. se navodi da se Nagrada dodjeljuje u obliku diplome uz novčanu nagradu, dok se članom 3. navodi da se Nagrada uručuje na Svečanoj sjednici Gradskog vijeća Grada Sarajeva

Članom 4. se određuje stupanje na snagu odluke i obaveza objavljivanja u „Službenim novinama Kantona Sarajevo“.

### SREDSTVA ZA PROVOĐENJE ODLUKE

Sredstva za realizaciju ove odluke planiraju se u Budžetu Grada Sarajeva, a o visini Nagrade odlučuje Gradonačelnik u skladu sa članom 10. Odluke o priznanjima i nagradi Grada Sarajeva.